

Чом была скликана 3. конференція Руського клубу – 1923?

Членове Руського клубу – 1923 при Руськім домі в Пряшові, ёго сімпатизанти суть знепокоєны з того, же од 1999 року ся не одбыла конференція Руського клубу – 1923, так як укладають Становы клубу, реґістрованы МВД СР 20. фебруара 1992 року під ціслом VVS/1 – 900/90 – 500177. В статі 4, точка 6/К ся говорить, же **выконный выбор Руського клубу має за повинность скликати раз за два roky конференцію клубу**, а то кінцём юна. В тій істій статі ся говорить в точці 9, же на оправдану письмову жадость 10-ёх процент вшитых рядных членів клубу є повинностёв выконного выбора скликати конференцію клубу. Така пожадка уж была предьявлена выконному выбору а особні панови **Штефанови Секеракови** як председови Руського клубу – 1923, підписана штирёма заслуженыма членами Руського клубу – паном **Іваном Юрчішном**, **Ёзефом Няхаём**, **Михалом Слуком** і небіжчиком **Андрієм Федором**. В їх жадости в септембрі 2002 р. ся говорило, же од послідней конференції ся накопило много проблемів, главно при наворотню Руського дому в юні 2002 року, а докладовало ся, же тоты проблемы мож вирішыти лем на конференції. **Як видно, выбор Руського клубу – 1923 ся не поучів з реаліты і не мав охоту скликати конференцію ани в 2003 році, ани нескорше...**

Треба повісти, же выконный выбор Руського клубу не реаґовав ани на вызву, яка ся обявила в русиньскій і словеньскій пресі на Словеньску в децембрі 2003 і в 2004 році. **Можеме мати довіру к такому выконному выбору, котрый порушує властны Становы?**

Было хыбов, же теперішній выконный выбор був сформований в септембрі 2001 року лем кооптаціёв ключовых фунціонарів. На громаду, де ся волили членове выбора, не были покликаны, наприклад, **Михал Січак**, **Валерій Купка**, **Марія Мальцовска**, які были леґально зволены на другій конференції Руського клубу – 15. децембра 1999 року.

Выконный выбор Руського клубу зачав робити на новых Становах в маю 2004 року, нетраспарентным способом собі присвоїв їх одобріня і схваліня членьсков громад з 13. 1. 2004 року, што дали зареґістровати. **Интересно знати, хто послав такой фалошний материал на відповідне місце і хто го підписав?!**

В чім спочивають основны хыбы в роботі выконного выбора Руського клубу – 1923?

В першім ряді є то **неконцептность роботы, недотримованя Станов, нетранспарентность, самовольна маніпуляція з фінанчными средствами в одношію к реконструкції будовы Руського дому. Мало увагы ся приділять культурно-освітній роботі, книжній культурі, розвою школства і кодифікованому русиньскому языку.** Беспрецедентным явом в роботі Руського клубу – 1923 є на зачатку рока 2004 вернутя 70 000 Ск Міністерству культуры СР, котры были леґально приділены на выданя книжки під назвов Др. Николай БЕСКИД – на благо Русинів.

На тій основі ініціативна група членів Руського клубу – 1923 высловлює неспокойность з работов теперішнёго выконного выбора Руського клубу – 1923. **Ініціативна група членів Руського клубу – 1923 р.**
9. априля 2005 р.

Одбыла ся 3. конференція Руського клубу – 1923

(Продовжіня з 1. стор.)

сея поділила з публікoв о тім, який, подля нёй, є реалный став у Руськім домі. Говорила о недостойній среді про Русинів у Руськім домі в Пряшові, котрый в минулости був святынёв русиньской культуры. Підкреслила, же бы ся жадало, **абы Руський дом представляли досправды русиньскы патриоты, які бы были прикладом про русиньску громаду в приватнім і сполоченьскім жывоті.** Бывший учитель **Василь Рачко** апеловав на священників і на русиньску інтелігенцію, абы ся докладно занимали русиньскым ділом, в іншій припаді уж за пару років нас ту не буде. Нова членка выбора Марта Сушкова увела приклады неоподвідной позиції родичів ку выхові русиньского поколіня. Лавреат літературной премії А. Духновича **Миколай Ксеняк**, вызнамный русиньскый писатель, главно, знамый як байкарь, запропонував, абы уж за рік ся одбыла конференція і абы нововытвореный выбор тісніше сполупрацовав на полі культуры з Русиньсков обродоу на Словеньску. В подобнім дусі выступав піонер русиньскых учебників **Ян Гриб** і пропонував сполурацу на уровни школьскых орґанів Пряшівского самосправного края. В днешній нелегкій економічній ситуації, яка не жычть выдаваню ориґінальной русиньской літературы, Я. Гриб одсудив вернутя штатной дотації в сумі 70 000 Ск назад Міністерству культуры СР Руськым клубом – 1923, приділеных в 2004 р. на выданя выбраного

о русиньскім історікови Николаёви Бескидови. На прикладі таких русиньскых сел, як Репеёв і інших, документовав словакізацію выходного обрядю, протів чого треба ініціативніше выступати і Руському клубу – 1923. **ПгДр. Татьяна Фаринічова** ся высловила ку психолоґічным моментам русиньского нігілізму.

Выводы з діскусії зробив новый член выбора Руського клубу – 1923 **Николай Ляш**, який взяв до увагы діскусны вступы, стотожнив ся з ними і высловив надій, **абы Руський дом із своїма культурно-освітными активітати проглублёвав національно-культурну свідомость Русинів.**

3. конференція Руського клубу – 1923 выловила недовіру дотеперішнёму выбору Руського клубу – 1923 на челі з ёго председом Штефаном Секераком і єдногосно прияла Узнесіня з конференції.

Николай ЛИПТАК, фоткы М. ДРОНОВА

Узнесіня з 3. конференції РК – 1923

Конференція бере до увагы:

- Діскусны выступы і ініціативны пропозиції к роботі дотеперішнёго РК – 1923.
- Высловліня недовіры дотеперішнёму выбору РК – 1923 на челі з ёго председом Штефаном Секераком.

Конференція схвалює:

- Причину скликаня 3. конференції РК – 1923.
- Выголошіня 16 рядных членів РК – 1923, адресоване Міністерству внутрішніх діл СР в Братіславі.
- Пропозицію новых Станов РК – 1923, причім закомпонованы припомінкы будуть письмовов формов схвалены членами РК – 1923 до 30. 4. 2004 і одосланы на реґістрацію.
- Вольбу і зложіня нового выбора на челі з Г. Бескидом і контрольно-ревізной комісії на челі з І. Пітуховов.

Конференція укладать:

- Забезпечіти контролю господаріня РК – 1923.
- Дорішыти персоналны вопросы на основі конкурзу.
- Выпрацовати план культурно-освітной роботы на 2. піврік 2005.

ПРИДЬТЕ НА ВЫСТАВКУ!

Од 22. априля до 22. мая 2005 у Музею современного уменя Енді Варгола в Меджілабірцях буде отворена выставка під назвов **ІВАН ШАФРАНКО І ЁГО ШТУДЕНТЫ**, на котрій, окрем проф. І. Шафранка, мальбы, пластікы, комбінованы технікы і умельцкы фотографії **выставують ёго бывшы студенты катедры витварной выховы Педагоґічної факулты УПІШ у Пряшові: П. Гіч, А. Зозуляк, М. Бицко, Д. Капралёва і Л. Цупер.** Выставка была отворена к 60-річному юбілею заложіня Руськой гімназії в Меджілабірцях, де колись штудовав ай І. Шафранко.

Prípravte sa s nami na leto...

Automobily Škoda Octavia Tour, Octavia Combi Tour, Fabia, Fabia Combi a Fabia Sedan Vám už teraz ponúkame s klimatizáciou zdarma!



Navštívte nás v našich autosalónoch Š-AUTOSERVIS vo Vranove n. T., Humennom, Stropkove alebo Bardejove.

Š-Autoservis Vranov - Hronského 1115, Vranov n. T., 057/44 247 45, 0907 888 106, e-mail: sauto_vt@skoda-auto.sk

Humenné - Mierová 99, Humenné, 057/775 03 42, 0907 888 108, e-mail: predaj.sauto_he@skoda-auto.sk

Bardejov - Priemyselná 20, Bardejov, 054/472 84 56, e-mail: sutak@nexta.sk

Stropkov - Požiarnická 5, Stropkov, 054/742 26 50, e-mail: predaj.sauto_sp@skoda-auto.sk



Vybrané modely automobilov SEAT Vám teraz ponúkame za fantastické zvýhodnené ceny.



Š-Autoservis Vranov - Hronského 1115, Vranov n. T., 057/44 247 45, 0903 627 147, e-mail: seat@s-autoservis.sk
Humenné - Mierová 99, Humenné, 057/775 03 53, 0903 858 727, e-mail: seat@s-autoservis.sk
Bardejov - Priemyselná 20, Bardejov, 054/472 84 56, e-mail: sutak@nexta.sk



НАРОДНІ НОВИНКИ

Выдавать Русин і Народны новинкы – фінансово-помочев Міністерства культуры СР. Шефредактор: **Александр ЗОЗУЛЯК**, заступкыня шефредактора: **Анна ПЛІШКОВА**, редакторкы: **Кветослава КОПОРОВА**, **Марія МАЛЬЦОВСКА**. Adresa: Rusin a Ludové noviny, Duchnovičovo nám. 1, 081 48 Prešov, SR. Тел.: 051/77 25 629, факс: 77 33 201. Передплатне на рік 250,- Ск, до сусідніх штатів – 600,- Ск, до загранича поштов ІІ. кл. 35 УСД, поштов І. кл. 43 УСД, заплатити мож і в редакції. Выроба: ДАТАПРЕСС у Пряшові. Реґістрачне ч. МК SR 417/91, МІС 49 438. Опублікованы погляды дописователів не мусять быти згодны з поглядами редакції. Адреса новинок на интернеті – <http://narodny-novynky.presov.sk>, E-mail: rusyn@nexta.sk



Rusin a Ludové noviny
Duchnovičovo nám. 1
081 48 Prešov 1
PLZ
VsRP - 664/2003

Platené v hotovosti
080 02 PREŠOV 2